



PARLIMEN MALAYSIA



RANG UNDANG-UNDANG

Lembaga Kemajuan Perusahaan Haiwan Negara 1971

DR.121/1971

RANG UNDANG² LEMBAGA KEMAJUAN
PERUSAHAAN HAIWAN NEGARA, 1971

SUSUNAN FASAL²

BAHAGIAN I
PERMULAAN

Fasal

1. Tajok ringkas, pemakaian dan mula berkuatkuasa.
2. Tafsiran.

BAHAGIAN II
LEMBAGA KEMAJUAN PERUSAHAAN
HAIWAN NEGARA

3. Perbadanan Lembaga.
4. Tugas² Lembaga.
5. Pengurus Besar, pegawai dan penjawat Lembaga.
6. Kumpulanwang.
7. Meminjam wang.
8. Pelaboran.
9. Akaun dan Odit.
10. Laporan Tahunan.

BAHAGIAN III
AM

11. Kaedah².

JADUAL PERTAMA.

JADUAL KEDUA.

RANG UNDANG²

bernama

Suatu Akta bagi memperbadankan Lembaga Kemajuan Perusahaan Haiwan Negara dan bagi membuat peruntukan berkenaan dengan perkara² berhubung dengan-nya.

[Lok. Dulu dan kini]

MAKA INI-LAH DI-PERBUAT UNDANG² oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Ra'ayat yang bersidang dalam Parlimen, dan dengan kuasa daripada-nya, saperti berikut :

BAHAGIAN I

PERMULAAN

1. (1) Akta ini boleh-lah di-namakan Akta Lembaga Kemajuan Perusahaan Haiwan Negara, 1971.

(2) Akta ini hendak-lah di-pakai di-seluruh Malaysia.

(3) Akta ini hendak-lah mula berkuatkuasa pada tarikh yang di-tetapkan oleh Menteri melalui pemberitahu dalam *Warta*, dan tarikh² yang berlainan boleh di-tetapkan bagi berlain-lain Negeri atau bahagian dalam Malaysia.

2. Dalam Akta ini, melainkan jika kandungan ayat-nya menghendaki makna yang lain: Tafsiran.

“ahli” erti-nya mana² ahli Lembaga Kemajuan Perusahaan Haiwan Negara termasuk Pengerusi, Pengerusi sementara dan mana² ahli sementara yang di-lantek di-bawah sekshen 3 (5);

“Kumpulanwang” erti-nya kumpulanwang yang di-tubuhkan di-bawah sekshen 6;

“Lembaga” erti-nya Lembaga Kemajuan Perusahaan Haiwan Negara yang di-tubuhkan di-bawah sekshen 3;

Tajok ringkas, pemakaian dan mula berkuatkuasa.

“Menteri” erti-nya Menteri yang bertanggungjawab bagi ternakan haiwan;

“Pengerusi” erti-nya Pengerusi Lembaga Kemajuan Haiwan Negara;

“Pengerusi sementara” erti-nya sa-saorang Pengerusi sementara Lembaga Kemajuan Perusahaan Haiwan Negara yang di-lantek di-bawah seksyen 3 (5);

“pengeluaran ternakan” termasuk-lah apa² keluaran ternakan dan apa² benda makanan atau minuman yang kesemua-nya atau sa-bahagian-nya di-buat atau di-dapati dari apa² keluaran tersebut, dan daging, tulang, jeroan, tandok, bulu dan kulit ternakan;

“rumah bantai” erti-nya sa-suatu tempat menyembelih binatang² dengan mempunyai kemudahan² yang sa-patut bagi memeriksa daging;

“ternakan” termasuk-lah ayam-itek.

BAHAGIAN II

LEMBAGA KEMAJUAN PERUSAHAAN HAIWAN NEGARA

Perbadanan
Lembaga.

3. (1) Maka ada-lah dengan ini di-tubuhkan suatu pertubohan perbadanan bernama Lembaga Kemajuan Perusahaan Haiwan Negara (kemudian daripada ini di-sebut “Lembaga”) yang kekal turun temurun dan mempunyai suatu meteri dan boleh mendakwa dan di-dakwa atas nama-nya dan, tertaklok kapada dan bagi maksud Akta ini, boleh membuat kontrek dan ada mempunyai kuasa bagi memperolehi dan memegang harta alih atau harta takalih dan bagi melepaskan-nya atau dengan sa-chara lain membuat apa² urusan mengenai-nya.

(2) Peruntukan² Jadual Pertama kapada Akta ini hendak-lah berkuatkuasa berkenaan dengan Lembaga.

(3) Lembaga hendak-lah terdiri daripada ahli² yang berikut yang di-lantek oleh Menteri:

- (a) sa-orang Pengerusi;
- (b) sa-orang Timbalan Pengerusi;
- (c) sa-orang wakil Kementerian Pertanian dan Tanah;
- (d) sa-orang wakil Perbendaharaan;
- (e) sa-orang wakil Bahagian Haiwan, Kementerian Pertanian dan Tanah;

(f) sa-orang wakil Lembaga Pemasaran Pertanian Persekutuan; dan

(g) tidak lebih daripada 5 orang lagi yang berpengalaman dan telah menunjukkan kebolehan dalam perkara² berhubung dengan perusahaan ternakan dan keluaran ternakan atau pemasaran, kewangan dan pentadbiran.

(4) Apabila melantek orang² yang tersebut dalam perenggan (g) sekshen-kechil (3), Menteri hendak-lah memberi pertimbangan tentang perlu-nya berbagai kepentingan dan wilayah dalam Malaysia di-wakili.

(5) Sa-orang Pengerusi sementara atau sa-orang ahli sementara boleh di-lantek dalam masa Pengerusi atau ahli Lembaga tidak berupaya buat sementara (sama ada oleh sebab sakit atau tidak ada dalam Malaysia atau oleh apa² sebab lain), dan Pengerusi sementara atau ahli sementara itu hendak-lah di-lantek dengan chara sa-rupa seperti Pengerusi atau ahli di-lantek di-bawah sekshen ini.

(6) Sa-saorang ahli hendak-lah memegang jawatan sa-lama tempoh yang di-nyatakan dalam suratchara perlantekan-nya melainkan jika ia terlebih dahulu meletakkan jawatan-nya atau perlantekan-nya di-batalkan, dan ada-lah layak di-lantek sa-mula.

(7) Menteri boleh memberi kapada Lembaga arahan² sa-chara am yang tidak berlawanan dengan peruntokan² Akta ini tentang menjalankan tugas² dan kuasa² Lembaga.

4. (1) Tugas² Lembaga ia-lah untuk—

Tugas²
Lembaga.

(a) menggalak dan memajukan pengurusan yang chekap dan berkesan mengenai enterprais² ternakan dan keluaran ternakan;

(b) mengadakan, mengurus dan menyenggara rumah² bantai;

(c) mengadakan dan menyelia kemudahan² kredit bagi pengeluaran ternakan dan bagi memastikan supaya kemudahan² itu di-gunakan sa-penoh-nya; dan

(d) mengambil bahagian dalam enterprais² ternakan dan keluaran ternakan termasuk perusahaan² memproses.

(2) Lembaga ada-lah berkuasa melakukan segala perkara yang menasabah perlu untok atau bersampingan dengan menjalankan tugas²-nya di-bawah sekshen-kechil (1) dan khusus-nya—

- (a) bagi menjalankan segala kegiatan yang pada pen-dapat-nya perlu, berfaedah atau sesuai untok atau berhubung dengan menjalankan tugas²-nya ter-masok kegiatan mengangkut, memindah, mem-bungkus, memproses, menyimpan, memperingkat, menjual ternakan dengan lelong dan juga lain² chara pemasaran ternakan am-nya;
- (b) bagi menjalankan usaha² mengeluarkan haiwan dan makanan ternakan;
- (c) bagi berniaga ternakan, keluaran ternakan dan alat kelengkapan perusahaan ternakan;
- (d) dengan kelulusan Menteri dan persetujuan Menteri Kewangan, mengikat penyertaan ekuiti dalam apa² enterprais ternakan dan keluaran ternakan atau dalam apa² usaha yang berniagakan atau memproses makanan ternakan; dan
- (e) melakukan apa² perkara lain yang di-fikirkan patut oleh Lembaga untok membolehkan ia menjalankan tugas² dan kuasa²-nya yang tersebut di-atas itu dengan berkesan.

(3) Dengan kelulusan Menteri dan persetujuan Menteri Kewangan, Lembaga boleh dari sa-masa ka-samasa menubuhkan suatu perbadanan dengan apa² nama yang di-fikirkan patut oleh Lembaga untok menjalankan dan mengelola, melaksana serta menguruskan sa-suatu projek, ranchangan atau enterprais yang telah di-ranchang atau di-usahakan oleh Lembaga pada menjalankan tugas²-nya di-bawah sekshen ini; dan peruntokan² Jadual Kedua kapada Akta ini hendak-lah di-pakai bagi sa-suatu per-badanan yang di-tubuhkan di-bawah sekshen-kechil ini.

Pengurus
Besar,
pegawai dan
penjawat
Lembaga.

5. (1) Timbalan Pengerusi Lembaga hendak-lah menjadi Pengurus Besar yang akan bertanggungjawab atas pen-tadbiran dan pengurusan hari ka-sahari hal ehwal Lembaga dan akan menjalankan apa² kewajipan dan kuasa sa-bagaimana yang di-amanah atau di-wakulkan oleh Lembaga atau Pengerusi apabila bertindak bagi pihak Lembaga.

(2) Lembaga boleh melantek pegawai dan penjawat yang di-fikirkan-nya perlu untok menjalankan hal ehwal Lembaga dengan chekap.

(3) Pegawai dan penjawat Lembaga hendak-lah memegang jawatan sa-lama satu atau beberapa tempoh, menerima gaji dan elaun dan tertaklok kepada apa² syarat perkhidmatan mengikut sa-bagaimana yang di-tetapkan oleh Lembaga dengan kelulusan Menteri.

(4) Pengurus Besar, pegawai dan penjawat Lembaga hendak-lah di-sifatkan sa-bagai penjawat awam dalam erti Kanun Keseksaan yang berkuatkuasa di-Malaysia Barat atau dalam erti mana² undang² bertulis yang bersamaan dengan-nya yang berkuatkuasa di-Negeri Sabah dan Negeri Sarawak.

*N.M.B.
Bab 45.
Sabah 3/95.
Sarawak
Bab 57.*

6. (1) Bagi maksud Akta ini maka ada-lah dengan ini ditubuhkan suatu kumpulanwang (kemudian daripada ini di-sebut "Kumpulanwang") yang akan di-tadbir dan di-kawal oleh Lembaga—

*Kumpulan-
wang.*

(a) yang ka-dalam-nya akan di-masokkan—

(i) apa² wang yang di-peruntokkan dari sa-masa ka-samasa oleh Parlimen;

(ii) apa² wang yang di-dapati oleh Lembaga dalam menjalankan tugas²-nya di-bawah atau menurut peruntokan² Akta ini;

(iii) apa² wang yang di-dapati atau terbit dari apa² kemajuan, pelaburan, gadaian, gadaian atau dibenchar yang di-perolehi oleh atau terletak pada Lembaga;

(iv) wang yang di-pinjam oleh Lembaga bagi maksud menjelaskan apa² tanggungan-nya atau bagi maksud menjalankan apa² tugas-nya; dan

(v) segala wang atau harta lain sama ada harta alah atau harta takalah yang mungkin dengan apa² chara kena di-bayar kepada atau terletak pada Lembaga;

(b) yang dari-nya akan di-bayar—

(i) semua perbelanjaan (termasok perbelanjaan modal) yang di-lakukan oleh Lembaga pada menjalankan tugas² dan kuasa²-nya; dan

(ii) wang bagi membayar balek apa² pinjaman yang telah di-beri kepada Lembaga menurut kuasa-nya untuk meminjam.

(2) Sa-belum permulaan bulan Jun tiap² satu tahun, Lembaga hendak-lah menghantar kepada Menteri suatu anggaran perbelanjaan (termasok perbelanjaan bagi projek² pembangunan) bagi tahun yang berikut-nya mengikut apa² bentok dan mengandongi apa² butir sa-bagaimana yang di-kehendaki oleh Menteri; dan Menteri hendak-lah sa-belum permulaan bulan November tahun itu memberitahu Lembaga jumlah wang yang di-benarkan bagi perbelanjaan am-nya atau jumlah² wang yang di-benarkan bagi tiap² satu jenis perbelanjaan.

(3) Lembaga boleh pada bila² masa menghantar kepada Menteri suatu anggaran tambahan bagi mana² satu tahun dan Menteri boleh membenarkan kesemua atau mana² bahagian perbelanjaan tambahan yang di-masokkan dalam anggaran tambahan itu.

Meminjam wang.

7. Lembaga boleh, mengikut sharat² yang di-luluskan oleh Menteri Kewangan, meminjam wang sa-banyak yang diperlukan oleh-nya bagi menjalankan sa-suatu tugas-nya.

Pelaboran.

8. Aset² Kumpulanwang, sa-takat mana yang tidak di-kehendaki untok di-belanjakan oleh Lembaga di-bawah Akta ini, boleh di-laborkan mengikut chara yang di-luluskan oleh Menteri Kewangan.

Akaun dan Odit.

9. (1) Lembaga hendak-lah menyimpan dengan sa-patut-nya semua akaun dan rekod lain berkenaan dengan perjalanan-nya dan hendak-lah menyediakan penyata akaun bagi tiap² satu tahun kewangan.

(2) Akaun² Lembaga hendak-lah di-odit oleh Juru Odit Negara atau juru odit lain yang di-lantek oleh Lembaga dengan kelulusan Menteri.

(3) Sa-lepas berakhir tiap² satu tahun kewangan dan sa-lepas sahaja akaun² Lembaga di-odit, Lembaga hendak-lah mengarahkan supaya satu salinan penyata akaun itu mengikut chara sa-bagaimana di-kehendaki oleh Menteri di-hantar kepada Menteri, bersama dengan satu salinan apa² pandangan yang di-buat oleh Juru Odit Negara atau juru odit lain yang di-lantek di-bawah sekshen-kechil (2) mengenai mana² penyata atau mengenai akaun² Lembaga.

(4) Menteri hendak-lah mengarahkan supaya satu salinan tiap² satu penyata dan pandangan itu di-bentangkan dalam tiap² satu Majlis Parlimen.

(5) Peruntukan² sekshen-kecil (4) hendak-lah di-pakai bagi penyata akaun² yang telah di-odit bagi sa-suatu perbadanan yang di-tubuhkan di-bawah sekshen 4 (termasuk pandangan odit mengenai penyata itu dan akaun²-nya).

10. Lembaga hendak-lah tidak lewat daripada 30 hari-bulan Jun tiap² satu tahun mengarahkan supaya di-buat dan di-hantar kepada Menteri suatu laporan berkenaan dengan kegiatan² Lembaga dalam tahun yang lalu dan mengandungi apa² maklumat berhubung dengan perjalanan dan dasar Lembaga sa-bagaimana yang di-kehendaki dari sa-masa ka-samasa oleh Menteri.

Laporan Tahunan.

BAHAGIAN III

AM

11. (1) Dengan kelulusan Menteri, Lembaga boleh dari sa-masa ka-samasa membuat kaedah² bagi maksud menjalankan peruntukan Akta ini.

Kaedah².

(2) Khusus-nya dan tanpa menyentoh keluasan makna peruntukan yang di-atas, kaedah² itu boleh—

- (a) membuat peratoran bagi mengawal dan mengurus apa² bantuan (sama ada bantuan kewangan atau lain) yang mungkin di-beri kepada enterpris² ternakan dan keluaran ternakan;
- (b) mengawal pemasaran dan pembahagian ternakan dan keluaran ternakan yang di-punyai oleh dan yang di-peruntukkan bagi Lembaga;
- (c) dengan persetujuan Menteri Kewangan, mengadakan peruntukan bagi menubuh dan menguruskan kumpulanwang simpanan bercharum bagi pegawai dan penjawat Lembaga, atau bagi membayar penchen, elaun atau ganjaran kepada pegawai dan penjawat tersebut apabila bersara atau apabila berhenti memegang jawatan sa-bagai pegawai dan penjawat Lembaga; dan
- (d) menetapkan apa² perkara yang di-kehendaki oleh Akta ini supaya di-tetapkan.

JADUAL PERTAMA

(Sekshen 3)

1. (1) Sa-saorang ahli Lembaga (lain daripada Pengerusi) hendak-lah mengosongkan jawatan-nya jika ia tidak menghadhiri meshuarat Lembaga tiga kali berturut² tanpa kebenaran bertulis dari Pengerusi.

(2) Ahli² Lembaga atau mana² daripada mereka mengikut sa-bagaimana yang di-tentukan oleh Menteri sa-lepas berunding dengan Menteri Kewangan hendak-lah di-bayar gaji, saraan atau elaun mengikut sa-bagaimana yang di-tetapkan oleh Lembaga.

2. Lembaga boleh mewakilkan mana² daripada kuasa-nya yang di-beri oleh Akta ini kepada mana² ahli atau pegawai-nya atau kepada mana² jawatankuasa yang di-lantek oleh-nya untuk menasihati atau membantu-nya pada melaksanakan tugas²-nya.

3. (1) Lembaga boleh melantek apa² jawatankuasa yang di-fikirkan-nya perlu bagi menguruskan apa² perkara berkenaan dengan tugas² Lembaga; dan tertaklok kepada perenggan-kecil (2) perenggan ini, jawatankuasa² itu hendak-lah terdiri daripada ahli Lembaga yang di-lantek oleh Lembaga.

(2) Lembaga atau mana² jawatankuasa Lembaga boleh meminta sa-siapa jua (yang bukan ahli Lembaga) menghadhiri mana² meshuarat atau perbincangan Lembaga atau jawatankuasa bagi maksud menasihati-nya atas apa² perkara yang di-bincangkan, tetapi sa-siapa yang hadir sa-demikian tidak berhak mengundi dalam meshuarat atau perbincangan tersebut itu.

(3) Achara bagi mana² jawatankuasa yang di-lantek di-bawah perenggan-kecil (1) hendak-lah di-tetapkan oleh Lembaga.

4. (1) Koram bagi Lembaga ia-lah empat.

(2) Dalam semua meshuarat Lembaga, Pengerusi atau jika ia tidak hadir, Pengerusi sementara, atau jika kedua² Pengerusi dan Pengerusi sementara tidak hadir, sa-saorang ahli sa-bagaimana di-pilih oleh ahli² yang hadir, hendak-lah mempengerusikan meshuarat itu.

(3) Jika atas apa² soal yang hendak di-putuskan oleh Lembaga bilangan undi sama banyak-nya, Pengerusi atau Pengerusi sementara atau ahli yang mempengerusikan itu ada-lah berhak memberi undi pemutus.

(4) Tertaklok kepada perenggan-kecil (1), (2) dan (3), Lembaga hendak-lah menetapkan achara-nya sendiri.

5. (1) Lembaga hendak-lah mempunyai suatu meteri dan meteri itu boleh dari sa-masa ka-samasa di-pecahkan, di-tukar, di-ubah atau di-buat baharu sa-bagaimana yang di-fikirkan-nya patut:

Dengan syarat bahawa sa-hingga suatu meteri di-adakan di-bawah perenggan ini, suatu chap mengandungi perkataan "LEMBAGA KEMAJUAN PERUSAHAAN HAIWAN NEGARA" boleh di-gunakan sa-bagai suatu meteri.

(2) Meteri Lembaga hendak-lah di-sahkan oleh Pengerusi dan sa-orang lagi ahli Lembaga, dan apa² suratan yang berupa sa-bagai di-meterikan dengan meteri tersebut dan di-sahkan seperti tersebut di-atas hendak-lah di-sifatkan sa-bagai telah di-sempurnakan dengan sah-nya sa-hingga akas-nya di-buktikan.

JADUAL KEDUA

(Sekshen 4)

1. Dengan kelulusan Menteri, Lembaga hendak-lah, pada atau sa-belum tarikh sa-suatu perbadanan di-tubuhkan di-bawah sekshen 4, membuat peratoran² mengenai perbadanan itu menyatakan—

- (a) maksud dan tujuan perbadanan itu di-tubuhkan;
- (b) hak, kuasa, kewajipan dan tugas² perbadanan itu;
- (c) sistem pengurusan-nya termasuk penyimpanan akaun dan rekod yang sa-patut-nya mengenai perjalanan²-nya, pengoditan akaun² itu, penghantaran kepada Menteri penyata akaun yang telah di-odit dan pandangan² odit mengenai-nya;
- (d) perhubungan antara perbadanan itu dengan Lembaga dan hak²-nya bagi mengawal perbadanan itu.

2. Tertaklok kepada peruntukan Akta ini, sa-suatu perbadanan adalah terikat kepada apa² peratoran yang telah di-buat di-bawah perenggan 1 berkenaan dengan perbadanan itu dan peratoran² itu hendak-lah berkuatkuasa bagi segala maksud sa-olah² ia telah di-buat di-bawah Akta ini.

3. Dengan kelulusan Menteri, Lembaga boleh pada bila² masa meminda, membatalkan, atau menambah kepada, apa² peratoran yang di-buat di-bawah perenggan 1 berkenaan dengan sa-suatu perbadanan.

4. (1) Dengan kelulusan Menteri, Lembaga boleh mengarahkan supaya sa-suatu perbadanan yang di-tubuhkan oleh-nya di-gulong dan di-bubarkan.

(2) Apabila sa-suatu perbadanan di-bubarkan di-bawah perenggan ini, aset perbadanan itu hendak-lah di-pindahmilk dan di-letakhak pada Lembaga sa-lepas segala tanggungan-nya di-jelaskan.

(3) Penggulangan sa-suatu perbadanan di-bawah perenggan ini hendak-lah di-lakukan mengikut chara yang di-tetapkan oleh Lembaga.

5. Tiap² perbadanan yang di-tubuhkan di-bawah sekshen 4 hendak-lah menjadi suatu pertubohan perbadanan mengikut apa² nama yang di-beri kepada-nya oleh Lembaga dan hendak-lah kekal turun temurun dan mempunyai suatu meteri dan boleh mendakwa dan di-dakwa atas nama-nya itu, dan boleh membuat kontrek dan boleh memegang dan boleh membuat apa² urusan mengenai apa² harta aleh atau harta takaleh dan boleh melakukan apa² perkara lain yang bersampingan dan berkenaan dengan sa-suatu pertubohan perbadanan dengan tidak berlawanan dengan peruntukan² Akta ini dan tertaklok kepada apa² sekatan atau had sa-bagaimana yang di-tetapkan bagi tiap² satu-nya oleh Lembaga.

6. (1) Tiap² perbadanan itu hendak-lah mempunyai suatu meteri yang mengandongi sa-suatu tanda sa-bagaimana yang di-luluskan oleh perbadanan itu dengan kelulusan Lembaga, dan meteri itu boleh dari sa-masa ka-samasa di-pechahkan, di-tukar, di-ubah atau di-buat baharu oleh perbadanan itu, dengan kelulusan Lembaga, sa-bagaimana yang di-fikirkan patut oleh perbadanan itu.

(2) Sa-hingga suatu meteri di-adakan oleh perbadanan itu di-bawah perenggan ini, suatu chap mengandongi nama perbadanan itu boleh di-gunakan sa-bagai meteri.

(3) Meteri, atau chap yang tersebut dalam perenggan-kecil (2) hendak-lah di-simpan dalam jagaan mana² orang yang di-arah oleh perbadanan dan hendak-lah di-sahkan oleh orang itu; dan semua suratikatan, suratan dan lain² suratchara yang berupa sa-bagai di-meterikan dengan meteri itu dan yang di-sahkan sa-bagaimana tersebut di-atas hendak-lah di-sifatkan sa-bagai telah di-sempurnakan dengan sah-nya sa-hingga akas-nya di-buktikan:

Dengan syarat bahawa apa² suratan atau suratchara yang jika di-sempurnakan oleh sa-saorang yang bukan suatu pertubohan perbadanan tidak akan di-kehendaki di-chap dengan meteri, boleh di-sempurnakan oleh perbadanan itu dengan chara demikian itu juga; atau mana² suratan atau suratchara tersebut boleh di-sempurnakan bagi pehak perbadanan oleh mana² pegawai atau penjawat perbadanan yang di-berikuasa sa-chara am atau khas oleh perbadanan itu bagi maksud itu.

7. Tiap² perbadanan tersebut tidak boleh meminjam wang kechuali daripada Lembaga.

HURAIAN

Rang Undang² ini bertujuan untuk menubuhkan Lembaga Kemajuan Perusahaan Haiwan Malaysia, dan peruntukan² bagi penyusunan, tugas², kewangan dan achara-nya ada-lah di-buat dalam-nya.

Tugas² Lembaga itu ia-lah untuk—

- (a) menggalak dan memajukan pengurusan yang chekap dan berkesan mengenai enterpris ternakan dan keluaran ternakan;
- (b) mengadakan, mengurus dan menyenggara rumah² bantai;
- (c) mengadakan dan menyelia kemudahan² kredit bagi pengeluaran ternakan dan bagi memastikan supaya kemudahan² itu di-gunakan sa-penoh-nya; dan
- (d) mengambil bahagian dalam enterpris² ternakan dan keluaran ternakan termasuk perusahaan² memproses (Fasal 4).

Suatu kumpulanwang yang akan di-tadbirkan dan di-kawal oleh Lembaga ada-lah di-wujudkan bagi maksud Akta itu (Fasal 6).

Lembaga itu boleh menubuhkan sa-suatu perbadanan bagi menjalankan dan mengurus apa² projek, ranchangan atau enterpris (Fasal 4) dan boleh melantek pegawai² dan penjawat² (Fasal 5).

[PN. (U²) 266.]